


Hashihthü shing laihing
Hunyeih



Vangsho-ü
Kahvangei
nethe meipü
shem



Nyangbü: Edward Hughes

Lajei lingbü: Lazarus

Sheteiphenei lingbü: Sarah S.

Lepbü: Master Clement Bujem

Ngaibü: Bible for Children


www.M1914.org

©2013 Bible for Children, Inc.

Nüngi neyuphei keyü hapa lai lingei nevaijü ngümei ngaihen aok.



Mechem Jisu kahdoknyülei nyupa, büpai laophülei nanglomthü kü vangsho jung ehamteke. Büpai hapa kü, "Ngelei Opalei Shem" shei nyükteke hatü halei nyushing longi nyüpeih shei e. Shemü longshi hatü nethe meishi nyüke.
Vangsho-ü kahdoknyü shem peü mü longshi hatü meishi nyüke.



Jisui e, "Ngei am shing shing hük temnung dainyeih. Ngei daiyei shing hük temphei kü ngei nyipabü yiükahen hatü ngei amphong yahhen." Büpa dipü kübü yangphei kü Jisu vangholei aong. Büpalei nanglomthüi veishi phum uoshing ku uotü Jisu vangholei anlang.






Hapa hepak kübü-üng Khristanthüi Jisu yiükahen
shei lahpü hatü jomphong müei aongdaihen shei epü
deih-ei dangnyeih. Deih-ei nedangpü hepak
kü Jisu ngangahük kü yiükahen shei
eteke. Shejao büpa mangyiü
shekü didaipü Khristanthü
büpa yiüjü mekei vaihen?

Laihingi enyüke
jomphongü Jisu mü
nyunüng jiüshangi
aongdaihen.

Büm nenyupeyü
Shembüpa mü
nyuhen nyüke.



Laihing kü dohpü lai Shakei Vampü kü vangsho-ü
mekei thamapü ha jung enyüke. Longi thamapü
dao hükü hayaoha veijü Vangsho-ü Kahvangei shem
nyüke. Kahvangu peü lemei nyüke, shejao
büpalei ong uoshingü
vangholei nyüke.




Vangholei vangsho phongshanthü hatü
lebüthüi Kahvang kü khümnyüke.

Hapakei Kahvang shennyakthü
diyei vangholei aongdaipüthüao
khümnyüke. Jomi Kahvang men
vih-ei meipü keshothü
loknyüke.




Halei jomi lokpü kesho kübü
shahthü hanei hapakei:




NÜNGÜ CHANGPÜSHAPÜ MEHENANGKÜ JAT
HATÜ KAHMÜK PEÜ KÜBÜ NÜNGEI IY HOMEI
HAM KAHVANG TOUEI ANGEI
LEITEKE HATÜ HAMEI
KAHVANG TOUEI NÜNGI
HAM ONGTHÜ HATÜ
NGONGPATHÜ
LEIHÜTEKE.
(Shakei
Vampü 5:9)



Laihing kü dohpü laipha kü vangsho-ü "Japa Jerusalem" shei eyei nyüke. Hapayü ahshi longshi hatü hao lemei longi shaopü bham showtüktü nyüke. Hapalei bhamü jasper yaongi lingtü chüshaü kei daushi nyüke.




Hapa bham chongnyiamü yüknyü hatü daovang
yaongthüi lingtü owlem longi kohshi nyüke. Hapa
chingnyü penyüsha peü longpü yüknyü hüki mon
lingtü nyüke.




Haleipü yüknyü shadenthü mechemao neküpnyih.
Jen halei shüei shinei veishah... Aya! Vangsho-ü
mongei-üng shao nyeishi meishi nyüke. Hapa
chingnyü-ü daülangpü hon daülangpü aina
kei lingei nyüke.


Chingshongao
honi lingei
nyüke.




Kahvangei ong uoshing kübü nethe meipü, daülänglü
yangnyuyem yung yungyen yenei shanyüke. Eden
pemongei shongei danglü yangnyuyem pü yungyen
dangpongei nyüke. Hapa pü ahshi meishi nyüke.
Len ieyei bejük lem laolao anpünyi thahshi jüknyüke.
Hatü hapa pülei phenlakü jatthü meihühen
shingvaishi nyüke.



Vangngai shingvaishi vangsholei vanghe nevaijü lennyü napü neshiü. Kahvangei müknyinshekhangi thamapü vangngai maei nyüke. Halei vangnyak lanshei neshiü.



Vangsholeiyü yemhimakthüao hayaoha nyüke.
Jom peü neketteinyu hatü mongjemshi nyüke.
Shuw hi mi cheha nyi chem kü thüng hahnyüke.
Wong kohpü mailangiyao mohohbaong kei thüng
hahnyüke. Shembüpai, "Ngelei daülangpü
kahshangei jom hüki hük mü neketteihen
nevaijü nejüteihen" shei enyüke.



Jeni shinei veijü vangsho leipü dao hanei mahdaitü
eenyüke. Mongshihpü shahthü halei ne-eteinyu.

Üamao deyeilaoei

nevaijü


hahnempü

neshiü.



Shemshaden kü sabi tala yüpshi neshiü; mehenangkü
halei gühpä neshiü. Halei shahshem epü, jüteipü,
thiphepü nevaijü nemeipü
shennyakthü
neshiü.

Vangsholei
mehe
mangao
neshiü.




Vangsholei Kahvang mü mükphi
lanshei neshiü. Chemjem,
Kahvang shennyakthüao hapa
yangnyu mongshang homei
thepnyüpeih. Vangsholei
Kahvangi mükphi kemei
thittükphahen.



Vangsholei dipeyao neshiü. Kahvangei shennyakthüyü den kü Shembüpa mü nyuhen. Halei mongmang, theppü hatü tüngpü neshiü. Tüngpü, yanpü hatü dipü neshiü.

Vangsholei peü kemei Kahvang mü den kü mongongshi nyuhen.



Peü mü meipeyü, vangsho chingü
Jisu Khristayü ngei Yemleipüba
shei hinglempü hatü büpa kü ngelei
Shembüpa shei ven danpü nethe
nelathü shingvaishi nyüke (hatü
behethü shingvaishiyao nyüke).



Vangsholei Mihalei Yanguyem Laitap shei mentü laitap hük nyüke. Halei shennyakthülei men maei nyangei nyüke. Halei üpalei men nyangei nyüpa nüngi nyingnyüla? Jisu kü hinglempüthülei men nyangei nyüke. Nüngei menao halei nyüpeih shei deihnyüle?



Laihingei vangsho nang shompü shahthüyü thamashi nyükpü ha nyüke. "Laangha hatü yiükyahpai enyüke, 'Peikei!' Üpai dannya 'Peikünyeih!' shei etuh. Üpai yung lenya peikei. Üami nanya, hathüi yangnyu yung angkü yahhahtuh."



Vangsho-ü Kahvangei nethe meipü shem

Kahvangei Shah Laihing leipü büshah

Dangnyeih

Johan 14; 2 Korint 5;
Shakei Vampü 4, 21, 22

“Nüngei Shah shühahpai vangngai shuohnyeih.”
Menvih Kesho 119:130





Dohpü



Hapa Laihing büshah homei jenei thamapü Kahvang üpai jen
ling hatü nüngi büpa nyinhen nanyüpa hapa jung halei enyüke.

Jeni dao nemeipü dükteke shei Kahvangi nyingei nyüke hatü büpai
hana kü mang shei nyüknyüke. Mang shing hanghiyü dipü nyüke,
shejao Kahvangi nüng kü longi bampü nangkü büpai laophülei Ha Jisu
nüngei mang shing hanghiyei shophang kü dihen shomteke. Jisu ditü
yansei leiyei vangsho lei aongdai! Nüngi Jisu kü hinglemei nüngi
büpa kü mang lahjema büpai mang tükphahen. Büpa peiyei nüngei
mongei nyuhen hatü nüng düngei büpa mü nyuhens.

Nüngi hapayü shahhing hih shei hinglemjem, hayü Kahvang kü eyeishuoh: Bampü Jisu, nüngü Kahvang shei ngei hinglemnyeih, hatü ngelei mang shing dihen nüng shennyak leiteke hatü nüng shaang yemmü nyüke. Ngelei yangnyu kü nüng peikei hatü ngelei mang tükshih, shejüang ngei shaang yangnyu ja leihen, hatü nyih hük ngei den kü nüng mü nyuhens shingvaishi ngei daihen.

Nüngei ha leshi nüngei ven bangei nüng shing
nyuhens sheühshihma. Amen.

Laihing ietuh hatü nyihjeih Kahvang mü shah eteituh. Johan 3:16

